

中國方志叢書·華北地方·第二五九號

據清·周銘旂等纂修
清·光緒十年刊本
影印

陝西 省

乾州志稿
(二)

成文出版社有限公司印行

K29-51

中華民國五十八年 月壹一版

乾州志稿

全二冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

乾州志稿卷之十一

古蹟志

城垣

官闕

第宅

郊垌

園林

方志古蹟門每多附於地理茲依通志例專爲一編而故墟遺址與夫羈棲游覽之區以類屬之由今日以溯千載匪徒飾人耳目殆理亂得失之林歟

城垣

好時故城 秦初置漢因之在州東七里好時村晉於故城南二里再置好時唐改置於州東北六里隋太子莊陵城宋好時卽永壽南之好時里州西北三十五里凡四置元併入州

按前志不言好時殊疏寰宇記以漢好時爲奉天縣北岑陽鄉方輿紀要因之謂卽隋莊陵城均失攷乾徵遺稿剖析言之其說甚暢惟第辨漢唐好時之別而於西晉再置與北宋

之別有好時槩未之及故並著之

池陽故城 秦涇陽舊縣漢置池陽在涇陽西北三里東漢併谷口地兼今州境晉爲秦國治北魏隸咸陽郡西魏因之後周仍徙涇陽

按漢縣廣大一邑足當後代一郡今則疆宇區分州境之不得混爲池陽猶醴泉三原之不得混爲州境也惟自東漢迄南北朝且數百年並未殊厥井疆則未爲不虞君之涉也因併及之

齊難故城 前志北路四十里一舖三墩坐落齊南村疑卽其地南當作難

按乾徵遺稿引杜氏通典姚興將齊難故城南東北三面險絕以爲卽齊南村地但齊難城應在永壽縣西相去尙數十

里是否存參

溫秀甯夷故城 溫秀一作溫宿漢溫宿國居此田牧故名後魏置溫秀甯夷二護軍方輿紀要永壽東南溫秀嶺卽溫秀護軍處始光中以池陽爲甯夷亦兼今州境通志云故城在醴泉北惟是否於此置軍尙俟再攷

漠西上宜故城 後魏置縣漠水西因名在州西北乾陽外紀近州城數里基址不可攷隋改上宜唐省岐陽並好畤入焉旋復名好畤

按張琨永壽志舊有上宜里以故上宜得名後與彭村合復名曰上彭則漠西在今州境上宜不在今州境也

武都故城 廣韵武都有二後漢平仇池山築城置武都鎮今武都州是魏文徙武都郡於美陽今好畤縣界武都故城是也

按通志北周移武都於周原郡未詳何地康對山武功志縣西舊爲周原州西南臨平鎮恰與毘連則卽當日武都無疑又州西向分六里有武都尋併爲五武都里廢

岐陽故城 唐貞觀初析岐山及上宜置岐陽通志初置龍尾坡又移瀦泉驛南十里時尙省入好畤地尋復故至德中仍名岐山

奉天故城 唐以奉乾陵故分醴泉置在今州治東貞元中命神策軍分屯近郊此爲奉天鎮乾甯初始爲州宋因之元併入州明初省今州城

威勝軍故城 唐乾甯中覃王出鎮建威勝軍五代梁因以州爲軍後唐罷軍復爲州卽今州城州有威勝驛尙襲軍舊名也醴州故城 本京兆奉天縣舊置乾州宋更名醴州金復爲乾

元明因之今未改置

附

乾陵舊署 在乾陵下二里許遺址尙存土人謂之看墳司

官闕

軒轅殿 前志一在城南一在好時村括地志好時有軒轅殿秦靈公作陝西資政錄史稱皇帝遷徙無常以兵壘爲營衛之所或云秦時始建時郊似本於此

梁山宮 史記秦本紀始皇幸梁山官見丞相車騎甚眾弗善也或告丞相損車騎始皇怒曰此中人洩吾語詔捕當時在旁者皆殺之三秦記梁山官多文石一名織錦城

望山宮 括地志北去梁山九里俗名望山宮

曲臺宮 史記秦倚曲臺之官垂衡天下畿輔統志在永壽畱

村

按今永壽有好畱里謂好時畱村也曲臺當在好時境基址無攷

甘泉宮 前志注甘里井泉寺卽宮故址東有始皇行宮今臺基尙存

按關中記甘泉本秦之林光宮漢武帝增廣之在雲陽縣與醴泉界前志謂甘泉非一宮井泉寺故址其餘宮也雲陽去梁山百里今之注甘里居其中當日車駕巡幸駐驛於此故謂之餘宮

儲胥館 三輔黃圖甘泉苑漢武帝置後又增儲胥館乾徵遺稿注甘里之甘泉宮乃儲胥館故址今州北門名儲胥門蓋本於此

唐德宗行宮 前志今州大堂及左右廊廡卽舊基址其奉天行營防城使都知兵馬使司皆無攷惟古翰坊爲陸贄草詔之所在治前今亦廢

邀駕宮 在城北里許相傳德宗出狩李懷光邀駕之處

按邀駕宮一名邀駕堦前志不載邀駕事亦未見於史居人尙以此名村當非無因姑從之

第宅

莊子原 前志州西北五十里土人常指稱其蹟

丁蘭宅 前志在吳山下

按通志丁蘭河內人寓居平陵後人名之曰孝子門不知何緣至此此與莊子原均仍前志俟再攷

陸賈宅 通志在好時鎮乾陽外紀州東七里好時村漢陸賈

買田處

蘇氏故居 乾陽外紀在州西南四十里蘇子村

按蘇爲武功大族典屬國而後代有偉人皆其地也村與武功界距城十餘里豈地界毘連當時猶未分畛域耶

桑道茂宅 通志在乾州前志宅有二柏道茂曰木盛則土衰土衰則人病乃埋鐵數十斤於其下以制之

歸來堂 前志紫陽先生佚老之所今廢

郊垆

鐵爐鐵王 州二地名近漠谷河乾徵遺稿俗傳殷孔甲采鐵鑄劍處

按刀劍錄孔甲采牛首山鐵鑄劍銘曰夾三輔黃圖甘泉宮有牛首山元和志甘泉山莫谷水源所出莫水卽夾水或取

此淬刃因以名之

辛宜里 州北里名乾徵遺稿引呂氏春秋昭王巡楚而溺辛游靡振之封於西翟周禮地官凡封國設其社稷之壇而樹之田主各以其野之所宜木遂以名其社與其野里名辛宜由來遠矣

壤鄉 史記樊噲從擊秦軍騎壤東又曹參取壤鄉擊秦軍壤東及高櫟破之正義武功縣東南高壤坊故壤鄉也乾徵遺稿今州南二十里壤村卽其地

臨平 漢靳歙傳賜爵臨平君長安志臨平觀在好畤東南七里乾徵遺稿今州之臨平鎮是其遺迹

豹峪 一名蚌峪在州東北十里

麟溝 在乾陵前

按前志引史記漢武帝獲白麟事以爲東有豹峪西有麟溝是也郡人宋延佐謂之杜撰惟豹峪不知取義云何麟溝則土人播爲美談由來已舊司馬相如封禪頌濯濯之麟游彼靈時今乾陵前有麟溝村

神爵原 在州北漢書宣帝紀元康中神爵集甘泉泰畤殿乾徵遺稿原得名以此

六陌 在州東十五里晉書周處攻齊萬年於六陌有周孝侯殉節碑知州崔龍見立

赤沙烽 方輿紀要渾城大戰吐蕃於此乾徵云當在境內
薛祿鎮 在州東南通志俗傳薛仁貴食采於此

雙烈村 通志在州北門外竇氏二女故居卽今竇村

黃巢溝 在乾陵西黃巢掘陵時所由之路也通志武后陵黃

巢伐之事具雪航膚見

大馬里 州東里名乾徵遺稿四馬務在興平東南其次曰大馬務凡地若干頃南渡渭水大馬里蓋其餘也

養馬村 乾徵遺稿古漠西縣地金人牧馬處

十二楊村 州東南鄉元好問楊振墓碑鄴國賓於唐唐以奉天之地四百頃奉之子孫遂爲縣人傳十世有子十二人始分世田隨其所居號十二楊村乾陽外紀今州東南楊漢村楊洪店楊家莊等處皆其遺也

園林

騶蹄苑 爾雅騶蹄注秦時有騶蹄苑不言其地相傳卽州之苑子里

乳臺 在城東五里許亦秦漢故址而無攷

臨川亭 在乾陵下前志唐武后置基址尙存

養心亭 在攷院學使閱卷之所後頽重修失其舊制

嘯園 前志黎中丞玉田置石榭曲折間以茂竹名花亦勝地也今爲禾黍矣

趣園 在好時村北邑人王夢齡置花竹掩映地絕塵囂有名趣園說載文類

東堂 一名東塘在州東街前志地近高城旁有積潦有倒影入池塘之致乾徵遺稿東塘受水猶漏卮形家言地位乎巽風穴鬱焉水爲風耗故也

西堂 在州西街舊有桑道茂祠今廢

北堂 在州北街前志塵囂旣遠幽寂可觀

乾州志稿卷士終

乾州志稿卷之十二

官吏傳

流風善政卓有可傳降至散秩閒曹均關激勸主講一席職司訓迪與學博同亦類及之若疆場效命名光史冊非一邑所得專然行軍設防爲地方安危攸賴例得備書而以近代武弁附焉

牧令

晉

索綝晉書索靖傳舉秀才除好畤令在官有稱劉聰劫掠三輔除綝安西將軍綝有威恩華夷嚮服賊不敢犯

唐

李元紘唐書本傳早脩謹仕爲雍州司戶參軍時太平公主勢

震天下百司順風望旨嘗與民爭碾磳元紘還之長史竇懷貞大驚趣改之元紘大署判後曰南山可移判不可搖也改好時令

杜閑舊通志襄陽人開元中由獲嘉令遷奉天有善政唐書文苑傳杜甫父閑終奉天令元稹杜工部墓系審言生閑閑生甫羅珣唐書本傳寶應初爲奉天令中官出入縣道吏緣以犯禁珣榜笞之雖死不置自是屏息擢廬州刺史

薛珣唐書本傳字溫如以蔭爲懿德太子廟令累遷乾陵臺令歲終以清白聞課第一改昭應令人請立石紀德珣固辭

宋

張綸宋史本傳字公信拜乾州刺史有材略所至興利除害

杜衍宋史本傳字世昌擢進士甲科知乾州陳堯叟安撫陝西

以衍賢徙鳳翔府及罷歸兩地民邀畱境上曰何奪我賢太守也遷知永興軍崇祀鄉賢

按前志州西門內向有我公坊因杜祁公往鳳翔民爭之境上而建與此微異坊久圯

司馬里宋史司馬池傳字昭遠進士性廉靜質直所至有惠政乾徵遺稿真宗時爲乾州知州

范祥宋史本傳字晉公三水人進士及第爲乾州推官遷殿中丞歷知華州提舉建議變鹽法後人不敢易稍加損輒不便嘉祐中包拯言祥通陝西鹽法行十年歲減權貨務使緡錢數百萬其勞可錄

按州設推官不知宋何年祥名故未列職官表

鄭驤通志真宗時爲乾州刺史後以直秘閣知同州金將婁宿